

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი**

ბრძანება N 01-10/41

ქ. ბათუმი

24 მარტი, 2020 წ

„კორონა ვირუსული ინფექციების შესაძლო გავრცელების აღკვეთის მიზნით ბსუ-ს პერსონალის სამსახურში გამოცხადებასთან დაკავშირებით გასატარებელ ღონისძიებათა შესახებ“ ბსუ-ს ადმინისტრაციის ხელმძღვანელის 2020 წლის 13 მარტის N01-10/37 ბრძანებაში ცვლილების შეტანის თაობაზე

„უმაღლესი განათლების შესახებ“ საქართველოს კანონის 23-24-ე მუხლების, ბსუ-ს წესდების მე-15 მუხლის, „ახალ კორონავირუსთან დაკავშირებით პრევენციულ ღონისძიებათა განხორციელების წესის დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2020 წლის 27 თებერვლის №296 ბრძანების, „ქვეყანაში კორონავირუსის გავრცელების თავიდან აცილების მიზნით პრევენციული ღონისძიებების განხორციელების შესახებ“ საქართველოს მთავრობის 2020 წლის 02 მარტის №434 განკარგულების, „ბსუ-ში 2019-2020 სასწავლო წელს გაზაფხულის სემესტრის სასწავლო პროცესის ორგანიზებულად ჩატარებისათვის გასატარებელი დროებითი ღონისძიებების შესახებ“ ბსუ-ს რექტორის 2020 წლის 16 მარტის №01-02/35 ბრძანების, „საქართველოში ახალი კორონავირუსის გავრცელების აღკვეთის მიზნით გასატარებელი ღონისძიების დამტკიცების შესახებ“ საქართველოს მთავრობის 2020 წლის 23 მარტის N181 დადგენილების, საფუძველზე

ვ ბ რ ძ ა ნ ე ბ:

1. საქართველოს მთავრობის 2020 წლის 23 მარტის N181 დადგენილების გათვალისწინებით „კორონა ვირუსული ინფექციების შესაძლო გავრცელების აღკვეთის მიზნით ბსუ-ს პერსონალის სამსახურში გამოცხადებასთან დაკავშირებით გასატარებელ ღონისძიებათა შესახებ“ ბსუ-ს ადმინისტრაციის ხელმძღვანელის 2020 წლის 13 მარტის N01-10/37 ბრძანებაში შევიდეს ცვლილება, კერძოდ, ბრძანების პირველი პუნქტის „ა-დ“ ქვეპუნქტები ჩამოყალიბდეს შემდეგი რედაქციით:

„ა) ქვეყანაში გამოცხადებული საგანგებო მდგომარეობის გამო ბსუ-ში სააუდიტორიო საგანმანათლებლო პროცესის 2020 წლის 21 აპრილამდე შეჩერებასთან დაკავშირებით ბსუ-ს საგანმანათლებლო პროგრამის განმახორციელებელმა პერსონალმა (აკადემიური და მოწვეული პერსონალი) სამუშაო შეასრულონ დისტანციური სწავლების/კომუნიკაციის საშუალებით, თანახმად „ბსუ-ში 2019-2020 სასწავლო წელს გაზაფხულის სემესტრის სასწავლო

პროცესის ორგანიზებულად ჩატარებისათვის გასატარებელი დროებითი ღონისძიებების შესახებ“ ბსუ-ს რექტორის 2020 წლის 16 მარტის №01-02/35 ბრძანებისა;

ბ) 2020 წლის 21 აპრილამდე ბსუ-ს ადმინისტრაციის სტრუქტურულმა ერთეულებმა, დამოუკიდებელი სამეცნიერო-კვლევითი ერთეულებისა და ფაკულტეტების ადმინისტრაციებმა (შემდეგში ყველა ერთად „ადმინისტრაცია“) სამუშაო შეასრულონ დისტანციურად. „ადმინისტრაციის“ პერსონალის წარმომადგენლები ბსუ-ს ტერიტორიაზე დაიშვან შესაბამისი სტრუქტურული ერთეულების უფროსების მიერ განსაზღვრული, კრიტიკულად მნიშვნელოვანი აუცილებლობის შემთხვევებში;

გ) 2020 წლის 21 აპრილამდე ბსუ-ს „ადმინისტრაციის“ პერსონალის წარმომადგენლებმა: ორსული; ქრონიკული დაავადების; გულ-სისხლძარღვთა და სასუნთქი სისტემის დაავადებების, დიაბეტის, ონკოლოგიური დაავადებების მქონე და ან/და 60 წელზე მეტი ასაკის დასაქმებულებმა სამუშაო შეასრულონ დისტანციურად და ბსუ-ს ტერიტორიაზე დაშვებული იქნეს შესაბამისი სტრუქტურული ერთეულების უფროსების მიერ განსაზღვრულ, კრიტიკულად მნიშვნელოვანი აუცილებლობის შემთხვევებში და მხოლოდ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ გაცემული რეკომენდაციების გათვალისწინებით;

დ) 2020 წლის 21 აპრილამდე ბსუ-ს ტერიტორიაზე 10-ზე მეტი ფიზიკური პირის თავშეყრა დასაშვებად ჩაითვალოს არანაკლებ 2 მეტრის სოციალური დისტანციით და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ გაცემული რეკომენდაციების გათვალისწინებით (კონტროლი აღნიშნულზე განახორციელოს ბსუ-ს დაცვისა და უსაფრთხოების განყოფილებამ).

2. ბრძანება გასაცნობად და აღსასრულებლად დაეგზავნოს ბსუ-ს მართვის ორგანოებს, სტრუქტურულ ერთეულებს და პერსონალს.
3. ბრძანების ბსუ-ს ოფიციალურ ვებგვერდსა და საინფორმაციო დაფებზე (კანცელარიასთან და ფაკულტეტებზე) განთავსება უზრუნველყოს საინფორმაციო ტექნოლოგიების სამსახურმა და კანცელარიამ, მათი კომპეტენციების შესაბამისად.
4. ბრძანება ძალაშია ხელმოწერისთანავე.

ადმინისტრაციის ხელმძღვანელი



ალექსანდრე მითაიშვილი